

Virgjëresha në Fron dhe Pema e Jeseut



Kjo ikonë ka zbukuruar ambientet e kishës së Shën Gjergjit në Fier dhe është pikturuar nga mjeshtri i ikonografisë së shekullit të XVIII-të, Johan Çetiri.

Në qendër të ikonës e ulur në një fron madhështor të artë paraqitet Shën Mëria duke mbajtur në preher Krishtin fëmijë. Krishti është duke mbajtur sferën e botës në një dorë në ngjyrë blu dhe me dorën tjetër bekon. Në këmbët e Virgjëreshës paraqitet Jeseu i shtrirë dhe nga barku i tij burojnë degët e pemës të cilat zhvillohen në të dyja anët e fronit të Virgjëreshës. Degët krijojnë medalionet në të cilat janë pikturuar dymbëdhjetë profetët, gjashtë prej tyre në secilën anë.

Në pjesën e sipërme të ikonës prej reve burojnë dy kryeengjëjt të cilët mbajnë një fjongo me shkrimin e shenjtë. Ikona tregon një nivel të lartë artistik të realizuar nga Johan Çetiri, i cili i ka dhënë një vëmendje të madhe dekorit. Në ikonë ndihet

influenca që piktori ka patur nga ikona e Tërpo Zografit, me të njëjtin kompozim, të realizuar më 1797.



— facebook.com/MuzeiArtitMesjetar